



Broj: 05-1903-8-2/20
Sarajevo, 03.07.2020. godine

Na osnovu člana 23. stav (1) tačka d) Zakona o Agenciji za bankarstvo FBiH ("Službene novine Federacije BiH", broj 75/17), člana 16. stav (1) tačka j) Statuta Agencije za bankarstvo Federacije BiH ("Službene novine Federacije BiH", broj 3/18), člana 69. stav (2) tačka d) i člana 70. stav (1), (4) i (6) Zakona o javnim nabavkama ("Službeni glasnik BiH", broj 39/14), a na osnovu preporuke komisije iz Zapisnika o ponovnom pregledu i ocjeni ponuda u postupku nabavke usluga internet provajdera za potrebe Agencije za bankarstvo Federacije BiH u dijelu koji se odnosi na Lot 1, broj: 05-1903-8-1/20 od 29.06.2020. godine, direktor Agencije za bankarstvo Federacije BiH donio je

O D L U K U

o poništenju postupka javne nabavke usluga

I

Poništava se postupak javne nabavke usluga internet provajdera ponude za potrebe Agencije za bankarstvo Federacije BiH proveden putem konkurentskog zahtjeva za dostavu ponuda u dijelu koji se odnosi na Lot 1, jer nijedna od primljenih ponuda nije ocjenjena prihvatljivom.

II

Ponude ponuđača: „Team Consulting“ d.o.o. Sarajevo, „Logosoft“ d.o.o. Sarajevo, „Mtel“ a.d. Banja Luka i „Telemach“ d.o.o. Sarajevo, odbacuju se kao nepotpune zbog neispunjavanja kvalifikacijskih uslova utvrđenih u tenderskoj dokumentaciji.

III

U skladu s članom 70. stav (6) Zakona o javnim nabavkama BiH, ugovorni organ će objaviti ovo odluku na svojoj internetskoj stranici: www.fba.ba, istovremeno s upućivanjem iste ponuđačima koji su učestvovali u ovom postupku javne nabavke.

O b r a z l o ž e n j e

Postupak javne nabavke predmetne usluge pokrenut je Odlukom o pokretanju postupka javne nabavke usluga, broj: 05-1903/20 os 13.05.2020. godine. Javna nabavka sprovedena je putem konkurentskog zahtjeva za dostavu ponuda, uz odabir najniže cijene tehnički zadovoljavajuće ponude ponude kao kriterija za dodjelu ugovora. U skladu sa članom 35. Zakona o javnim nabavkama BiH, Obavještenje o nabavci broj: 3010-7-2-137-3-34/20 objavljeno je na Portalu javnih nabavki (ejn.gov.ba) dana 15.05.2020 godine, uz istovremeno upućivanje poziva za dostavu ponuda na adrese trojice potencijalnih ponuđača. Procijenjena vrijednost javne nabavke utvrđena je u ukupnom iznosu od 8.000,00 KM, bez poreza na dodanu vrijednost (PDV), a nabavka je podijeljena na dva lota:

- Lot 1 – 4.000,00 KM
- Lot 2 – 4.000,00 KM.

Dana 01.06.2020. godine donesena je Odluka o poništenju postupka javne nabavke usluga broj: 05-1903-6/20 od 01.06.2020. godine kojom je poništen postupak javne nabavke usluga internet provajdera ponude za potrebe Agencije za bankarstvo Federacije BiH proveden putem konkurentskog zahtjeva za dostavu ponuda, jer nijedna od primljenih ponuda dostavljenih za Lot 1 i Lot 2 nije ocjenjena prihvatljivom. Na navedenu Odluku uložena je žalba ponuđača Telemacha d.o.o. Sarajevo, nakon čega je dana 17.06.2020. godine ugovorni organ donio Odluku broj: 05-1903-6-1/20, kojom je usvojena navedena žalba i stavljena van snage Odluka o poništenju postupka javne nabavke usluga broj: 05-1903-6/20 od 01.06.2020. godine u dijelu koji se odnosi na Lot 1.

Shodno navedenom, u ponovnom postupku donesena je Odluka o izboru najpovoljnijeg ponuđača u postupku javne nabavke usluga broj: 05-1903-6-2/20 od 17.06.2020. godine kojom je za najpovoljnijeg ponuđača izabran Telemach d.o.o. Sarajevo. Na navedenu Odluku ugovornog organa, „Mtel“ a.d. Banja Luka je uložio žalbu, nakon čega je ugovorni organ donio Rješenje broj: 05-1903-8-1/20 od 29.06.2020. godine kojim se usvaja žalba i stavlja van snage Odluka o izboru najpovoljnijeg ponuđača u postupku javne nabavke usluga broj: 05-1903-6-2/20 od 17.06.2020. godine.

Dana 29.06.2020. godine, Komisija za javne nabavke je održala sastanak na kojem je ponovno izvršila pregled, evaluaciju i davanje konačne preporuke za odabir najpovoljnije ponude, te je uvidom u Zapisnik o zaprimanju podnesenih ponuda, broj: 05-1903-2/20 od 29.06.2020. godine, utvrđeno da su po predmetnom postupku u dijelu nabavke koji se odnosi na Lot 1 pravovremeno pristigle 4 (četiri) ponude.

Nadalje, Komisija je pristupila pregledu i ocjeni pristiglih ponuda u pogledu ispunjavanja zadanih kvalifikacijskih uslova, te u procesu evaluacije istih evidentirala određene nepravilnosti u dostavljenoj dokumentaciji ponuđača „Team Consulting“ d.o.o. Sarajevo, „Logosoft“ d.o.o. Sarajevo, „Mtel“ a.d. Banja Luka i „Telemach“ d.o.o. Sarajevo, te su iste ocijenjene kao neprihvatljive za ugovorni organ iz slijedećih razloga:

- Ponuđač „Team Consulting“ d.o.o. Sarajevo nije ispunio minimalne uslove za kvalifikaciju navedene u:
 - poglavlju 3. - Uslovi za kvalifikaciju ponuđača, tačka 1.3. (Ekonomska i finansijska sposobnost – član 47. Zakona o javnim nabavkama BiH) tenderske dokumentacije, tako što je dostavio potvrdu izdatu od strane „UniCredit Bank“ d.d. Sarajevo od dana 18.05.2020. godine s navodima da u navedenoj banci ima otvoren glavni račun, koji nije blokiran u posljednjih 12 (dvanaest) mjeseci, što je u suprotnosti s zadanim uslovom u navedenoj tački tenderske dokumentacije, kojim je traženo da potvrda mora biti izdata od banke sa navodima da glavni račun ponuđača nije bio blokiran u zadnjih 12 (dvanaest) mjeseci od datuma objave Obavještenja o nabavci (15.05.2020. godine);
- Ponuđač „Logosoft“ d.o.o. Sarajevo nije ispunio minimalne uslove za kvalifikaciju navedene u:
 - poglavlju 3. – Uslovi za kvalifikaciju ponuđača, tačka 1.3. (Ekonomska i finansijska sposobnost – član 47. Zakona o javnim nabavkama BiH) tenderske dokumentacije, s obzirom na to da je dostavio potvrdu izdatu od strane „Raiffeisen Bank“ d.d. BiH od dana 21.05.2020. godine, s navodima da je imalac transakcijskog računa i da u periodu od 20.05.2019. godine do 20.05.2020. godine račun nije bio blokiran niti je privredni subjekat imao zabranu upravljanja sredstvima na transakcijskom računu, što je u suprotnosti s zadanim uslovom u navedenoj tački tenderske dokumentacije, kojim je traženo da potvrda mora biti izdata od banke sa navodima da glavni račun ponuđača nije bio blokiran u zadnjih 12 (dvanaest) mjeseci od datuma objave Obavještenja o nabavci (15.05.2020. godine);
- Ponuđač „Mtel“ a.d. Banja Luka nije ispunio minimalne uslove za kvalifikaciju navedene u:
 - poglavlju 3. – Uslovi za kvalifikaciju ponuđača, tačka 1.3. (Ekonomska i finansijska sposobnost – član 47. Zakona o javnim nabavkama BiH) tenderske dokumentacije, tako što je dostavio uvjerenje o likvidnosti od strane „NLB Banke“ a.d. Banja Luka od dana 19.05.2020. godine, s navodima da pravno lice nema blokadu na poslovnim računima u domaćoj i stranoj valuti, tj. da su računi likvidni u prethodnih 12 (dvanaest) mjeseci računajući od dana 15.02.2020. godine, što je u suprotnosti s zadanim uslovom u navedenoj tački tenderske dokumentacije, kojim je traženo da potvrda mora biti izdata od banke sa



navodima da glavni račun ponuđača nije bio blokiran u zadnjih 12 (dvanaest) mjeseci od datuma objave Obavještenja o nabavci (15.05.2020. godine);

- Ponuđač „Telemach“ d.o.o. Sarajevo nije ispunio minimalne uslove za kvalifikaciju navedene u:

- poglavlju 5. – ostali podaci, tačka 5. (Ostali podaci koji su bitni, a vezani su za predmet nabavke i vrstu izabranog postupka javne nabavke), podtačka 5.1. – Pismena izjava iz člana 52. Zakona o javnim nabavkama, tenderskom dokumentacijom je definisano da je svaki ponuđač dužan da dostavi pisanu izjavu iz člana 52. Zakona o javnim nabavkama BiH, a da je uvidom u ponudu Telemacha d.o.o. Sarajevo nesporno utvrđeno da je u okviru predmetne ponude ponuđač dostavio izjavu iz čl. 52. Zakona o javnim nabavkama, ali da je navedena izjava data od strane lica Sanide Fejzić koja je rukovodilac odjela Telemacha. Uvidom u aktuelni izvod iz sudskog registra koji je ponuđač Telemach d.o.o. Sarajevo dostavio u okviru svoje ponude, utvrđeno da lice Sanida Fejzić nije lice koje je ovlašteno za zastupanje Telemacha d.o.o. Sarajevo i posljedično tome nije lice koje može dati izjavu iz člana 52. Zakona o javnim nabavkama. Nadalje, u poglavlju 4. – podaci o ponudi, tačka 2. (Priprema ponuda), utvrđeno je da je na prednjoj/prvoj stranici ponude jemstvenik ojačan naljepnicom, ali da preko naljepnice ne stoji pečat ponuđača, što je u suprotnosti sa zadnim uslovom u navedenoj tački tenderske dokumentacije, u kojoj je traženo da će ugovorni organ samo i isključivo prihvatiti ponude koje budu uvezane jemstvenikom (notarski konopac, koji na prednjoj ili zadnjoj strani ponude mora biti ojačan voštanim žigom ili naljepnicom preko koje stoji pečat ponuđača) ili čvrstim knjiškim uvezom sa koricama.

Uzevši u obzir sve prednje navedene činjenice i okolnosti, polazeći od toga da nijedan ponuđač nije ponudio prihvatljivu ponudu, komisija je prispjele ponude ocijenila kao neprihvatljive i nepotpune, jer nisu u skladu s uslovima utvrđenim u tenderskoj dokumentaciji i predložila da se iste odbiju u skladu s članom 68. stav (1) i stav (4) tačka i) Zakona o javnim nabavkama, te dala preporuku da se predmetni postupak poništi u skladu s članom 69. stav (1) tačka b) i stav (2) tačka d) Zakona o javnim nabavkama BiH.

POUKA O PRAVNOM LIJEKU:

Protiv ove odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 5 (pet) dana od dana prijema ove odluke, saglasno članovima 97. i 101. Zakona o javnim nabavkama BiH.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.

Dostaviti:

- učesnicima u postupku;
- a.a.

